

媽媽k我

李勤岸

我出門ê時陣
媽媽頭犁犁
當teh編織籃仔底
趁一點仔工錢
通kā我買一雙鞋

我去市仔電影街
趕兩場電影
媽媽趕好兩個籃仔底

我無啥愛讀冊
我足愛惹電影街
媽媽是m是---

Mā足愛編織籃仔底？

有影的參無影的

向陽

鏡內底的囡仔
是無影的
鏡外口的囡仔
是有影的

無影的囡仔店置鏡內底
有影的囡仔企置鏡外口

有影的囡仔就是我
無影的囡仔嘛是我

無影的我店置鏡內底
有影的我企置鏡外口

鏡內底的我
是無影的囡仔

鏡外口的我
是有影的囡仔



正港「美麗的寶島」

文 / 王金選
(節錄於「小鹿兒童文學雜誌」)

臺灣臺灣，真正是寶島，
樹木清翠風景好，
四季攏有好水果，
鳳梨、西瓜、芭樂、蓮霧和蘋果，
荔枝、葡萄、棧仔、梨仔、红柿、火龍果，
外國人，欣羨閣呵佬！
臺灣臺灣，真正是寶島，
生活利便景緻好，
四過攏總好迫迫，
阿里山、日月潭、關仔嶺、淡水河，
草山、墾丁、蘇澳，
東海岸、合歡山、大埤湖，
吃鐵蛋、吃饅頭、吃臭豆腐、吃筒仔米糕，
閣有貢丸、米粉、蚵仔麵線、鼎邊銼，
觀光客，欣羨閣呵佬，
攏說住置臺灣有夠好，
伊是一個正港「美麗的寶島」！

